

Broj: 02-119-JP-1/20

Datum: 04.05.2020. godine

Udruženje za borbu protiv korupcije Transparency International u Bosni i Hercegovini objavljuje:

## JAVNI POZIV

za dostavljanje ponuda za uslugu

### Izrade mobilne aplikacije

#### Uvodne napomene

Transparency International u Bosni i Hercegovini (TI BIH), zajedno sa partnerskim organizacijama, Centri civilnih inicijativa (CCI) i Centrom za razvoj medija i analize (CRMA), implementira projekat "Podrška građanima u borbi protiv korupcije", koji je finansijski podržan od strane Američke agencije za međunarodni razvoj (USAID). Prva komponenta projekta, između ostalog, obuhvata monitoring zloupotreba javnih sredstava u izbornim kampanjama i praćenje troškova predizborne kampanje.

Aktivnosti u ovoj komponenti će se sastojati od praćenja raspodjele javnih sredstava, aktivnosti institucija i zvaničnika u izbornim kampanjama, kao i praćenja aktivnosti u predizbornom periodu koje ukazuju na potencijalne zloupotrebe javnih resursa ili javnih funkcija u svrhu predizbornih kampanja i promocije stranaka. Kao jedna od aktivnosti unutar praćenja zloupotrebe javnih resursa predviđena je izrada mobilne aplikacije koja će služiti za efikasniji nadzor građana nad izbornim kampanjama. **Aplikacija će omogućiti izvještavanje građana u realnom vremenu o eventualnim zloupotrebama javnih sredstava i javnih funkcija u svrhu izborne kampanje i nepravilnostima koje se pojavljuju u toku izborne kampanje.**

Aplikacija treba da omogući anonimne prijave građana putem fotografija, video i tekstualnih poruka o uočenim nepravilnostima. Potrebno je omogućiti da se uočene nepravilnosti razvrstavaju prema kategorijama, odnosno prema vrsti zloupotreba i lokaciji. Takođe, obavezno je omogućiti potpunu anonimnost prijavioca.

#### Odabrani ponuđač će biti u obavezi da izvrši:

- Uslugu instalacije i konfiguracije aplikacije
- Uslugu pripreme administrativnih uputstava za korištenje i administraciju aplikacije
- Testno enrolovanje aplikacije na minimum 5 uređaja svakog tipa podržanog operativnog sistema.
- Isporučiti 20 sati tehničke podrške na godišnjem nivou tokom jednogodišnje proizvođačke podrške

#### Specifikacija aplikacije:

Dizajn mobilne aplikacije treba biti u skladu sa savremenim trendovima i grafičkim standardima. Osnova aplikacije je jedna glavna stranica i 4 podstranice.

#### Potrebne dizajnerske cjeline:

Prva stranica: user interface, kategorije za slanje fotografija, videa i teksta

Druga stranica: instrukcije i uputstva

Treća i četvrta stranica: naknadno u dogovoru s naručiocem.

#### Vremenski period implementacije:

45 dana od dana potpisivanja ugovora. (Za 45 dana potpuno implementirana aplikacija sa backendom, Android i iOS)

## **Podaci o ponudi**

Ponuda za pružanje usluge izrade mobilne aplikacije treba da sadrži dva dijela u posebno zapečaćenim kovertama, sa vidno naglašenim nazivima: Tehnička ponuda i Finansijska ponuda.

**Tehnički dio ponude** treba da sadrži:

1. Tačan naziv i adresu pravnog lica, broj telefona, e-mail i web adresu,
2. Ovjerenu kopiju dokumenata o registraciji koja dokazuje da je pravno lice registrovano da pruža usluge u IT oblasti
3. Izjavu ponuđača da nije u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca,
4. Spisak referenci – listu izrađenih mobilnih aplikacija, koja uključuje vrijednosti, datume i naručioce.
5. Prijedlog tehničkih i grafičkih rješenja koja će biti korištena u izradi mobilne aplikacije

**Finansijski dio ponude** treba da sadrži prijedlog budžeta za izradu mobilne aplikacije, kao i obračun svih poreskih obaveza u skladu sa važećom poreskom regulativom.

Izbor najpovoljnijeg ponuđača će se izvršiti prema sljedećim kriterijumima za ocjenjivanje ponuda: prijedlog rješenja 40%, reference 10% i finansijska ponuda 50%.

**Procijenjena vrijednost usluge koja je predmet javnog poziva** iznosi 8.000,00 KM sa uključenim PDV-om.

**Rok za dostavljanje ponude** je 25. maja 2020. godine.

Ponude se dostavljaju na adresu: Transparency International u BiH, Gajeva 2, 78000 Banja Luka. Ponude dostaviti u zapečaćenoj omotnici, odvojeno tehnička i finansijska ponuda, sa naznačenim nazivom naznakom „NADMETANJE PO POZIVU, NE OTVARATI“.

Otvaranje javnih ponuda obaviće se 26. maja 2020.godine u 10:00. Zapisnik sa otvaranja ponuda će svim ponuđačima koji su podnijeli ponudu biti dostavljen isti dan. Ukoliko se predstavnici ponuđača odluče za prisustvo javnom otvaranju ponuda, obavezno je poštovanje aktuelnih zaštitnih mjera.

Dodatne informacije se mogu dobiti putem telefona 066912122 ili putem elektronske pošte: [javnenabavke@ti-bih.org](mailto:javnenabavke@ti-bih.org).